



სატელეკომუნიკაციო მომსახურებების შესყიდვა

გამარტივებული ელექტრონული ტენდერის
სატენდერო დოკუმენტაცია

სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

CPV - 64200000

ს ა რ ჩ ე ვ ი

1	შესყიდვის ობიექტის ტექნიკური დავალება	გვ. 3 - 5
2	სახელმწიფო შესყიდვის შესახებ ხელშეკრულების პროექტი	გვ. 6 - 9
3	დამატებითი ინფორმაცია	გვ. 10
4	დანართი N 1 - რეკვიზიტები	გვ. 11
5	დანართი N2 - ტექნიკური პარამეტრები და ფასების ცხრილი	გვ. 12
6	დანართი №3 - აფიდავიტი	გვ. 13

1. შესყიდვის ობიექტის ტექნიკური დავალება

1.1. სატელეკომუნიკაციო მომსახურებების შესყიდვა.

1.1.1 მომსახურების გაწევის ვადები - მიწოდება განხორციელდება ხელშეკრულების გაფორმებიდან 2015 წლის 31 დეკემბრის ჩათვლით.

1.1.2 დაფინანსების წყარო - სსიპ - გორის სახელმწიფო სასწავლო უნივერსიტეტის 2015 წლის ეკონომიკური შემოსავლები.

1.1.3. სატელეკომუნიკაციო მომსახურების შესყიდვის გამარტივებული ელექტრონული ტენდერის სატენდერო ღირებულება შეადგენს - 11000- ლარს.

№	მომსახურების აღწერა	მომსახურების ვადები	სავარაუდო რაოდენობა
1	ყოველთვიური სააბონენტო გადასახადი ფიქსირებულ ტელეფონებზე	ოვე	23
2	ყოველთვიური სააბონენტო გადასახადი უკაბელო ტელეფონებზე	ოვე	4
№			სავარაუდო რაოდენობა ხელშეკრულების გაფორმებიდან 2015 წლის ჩათვლით
1	ადგილობრივი სატელეფონო საუბარი (როგორც ფიქსირებულ ისე უკაბელო ტელ. ნომრებიდან) ქსელის შიდა ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	ულიმიტო
2	ადგილობრივი სატელეფონო საუბარი (როგორც ფიქსირებულ ისე უკაბელო ტელ. ნომრებიდან) სხვა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	22500
3	საკალაქთაშორისო სატელეფონო საუბარი (როგორც ფიქსირებულ ისე უკაბელო ქსელის შიდა ნომრებზე ტელ. ნომრებიდან) შიდა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	ულიმიტო
4	საკალაქთაშორისო სატელეფონო საუბარი (როგორც ფიქსირებულ ისე უკაბელო ტელ. ნომრებიდან) სხვა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	8750
5	სატელეფონო საუბარი (როგორც ფიქსირებულ ისე უკაბელო ტელ. ნომრებიდან) მობილურ ოპერატორებთან.	წთ.	40000

აუცილებელი პირობა:

- ტენდერით მოთხოვნილი მომსახურება გულისხმობს შემდეგს:

- ა) საქალაქთაშორისო და მობილურ ოპერატორებთან სატელეფონო მომსახურება წამოზრდივი დამრგვალებით შემსყიდველის მიერ თითოეულ ნომერზე თვეში დაწესებული ლიმიტების შესაბამისად.
- ბ) სატელეფონო ნომრებზე თვეში დაწესებული ლიმიტების ამოწურვის შემდეგ საქალაქთაშორისო და მობილურ ოპერატორებთან საუბრის შეზღუდვა/0-ის შეზღუდვა.
- გ) სატელეფონო ნომრებზე თვეში დაწესებული ლიმიტების ამოწურვის შემდეგ ლოკალური ზარების განხორციელების შესაძლებლობა.
- დ) ყოველთვიურად წარმოადგინოს გაწეული მომსახურების შესახებ ანგარიში.
- ე) მოთხოვნის შემთხვევაში კანონით განსაზღვრული ინფორმაციის მიწოდება მომსახურების შესახებ. ასევე შემსყიდველის სატელეფონო ნომრებიდან განხორციელებული, მიღებული და გაცემული ინფორმაცია, რომელიც უნდა ინახებოდეს მიმწოდებლის ბაზაში.
- ვ) დავალიანების შესახებ ინფორმაციის მიწოდება:
- ზ) უფასო სატელეფონო კავშირი გამარჯვებული პრეტენდენტის ფიქსირებული ქსელის და უკაბელო ტელეფონის აბონენტებთან, როგორც ქ. გორში, ასევე რეგიონებში;
- თ) უშუალო მენეჯერის კონსულტაცია და ტექნიკური სპეციალისტების დახმარება 24-საათიან რეჟიმში.
- ი) საქართველოს კომუნიკაციების ეროვნული კომისიის მიერ განსაზღვრული პარამეტრებით ხარისხიანი სატელეფონო კავშირის უზრუნველყოფა.
- კ) პრეტენდენტის მიერ საქალაქთაშორისო და მობილურ ოპერატორებთან ზარების განსახორციელებლად შემოთავაზებული უნდა იქნეს კოდი/ინდექსი. შესაბამისად, ტელეფონის ნომრებზე შეზღუდული უნდა იყოს სხვა კოდით/ინდექსით საერთაშორისო ზარების განხორციელება.
- ლ) საქალაქთაშორისო და მობილურ ოპერატორებთან ზარები უნდა განხორციელდეს მხოლოდ 0-ის გამოყენებით.
- მ) შემსყიდველის ნომრებზე სხვა კომპანიების დავალიანების არსებობის შემთხვევაში, ტელეფონ(ებ)ზე გამავალი და შემომავალი ზარების შეზღუდვა არ განიხილება.
- ნ) ტელეფონის ნომრებზე შეზღუდული უნდა იყოს საინფორმაციო ზარები (00). აღნიშნული სერვისი ჩართული იქნება ცალკეულ ნომრებზე შემსყიდველის მოთხოვნის შესაბამისად;
- ო) საჭიროების შემთხვევაში შესაძლებელი უნდა იყოს ახალი ნომრების უსასყიდლოდ გამოყოფა. შესაბამისად მასზე (ახალ გამოყოფილ ნომრებზე) უნდა გავრცელდეს უნივერსიტეტისათვის შემოთავაზებული ფასები.
- პ) გაწეული მომსახურების შემოწმებას და მიღება-ჩაბარებას განახორციელებს შემსყიდველის მხრიდან უფლებამოსილი პირი, რომელსაც ნებისმიერ დროს შეუძლია მომსახურების ხარისხის ინსპექტირება.

შენიშვნა:

ამჟამად, სსიპ გორის სახელმწიფო სასწავლო უნივერსიტეტი სარგებლობს 27 ერთეული სატელეფონო ნომრით (მათ შორის 23 ფიქსირებული ტელეფონის და 4 უკაბელო ტელეფონის ნომერი). სატელეფონო ნომრები განლაგებულია გორის მასშტაბით სსიპ - გორის სახელმწიფო სასწავლო უნივერსიტეტის კორპუსებში.

საჭიროების შემთხვევაში შესაძლებელი უნდა იყოს უნივერსიტეტის კორპუსებში განლაგებული ტელეფონის ნომრების გადატანა სხვა კორპუსებში. აღნიშნული მომსახურება მიმწოდებელმა უნდა განახორციელოს უფასოდ შემსყიდველის მოთხოვნის შესაბამისად 5 სამუშაო დღის განმავლობაში;

ზემო აღნიშნულ ტენდერში არაპროვაიდერი კომპანიის გამარჯვების შემთხვევაში წყვეტა სატელეკომუნიკაციო მომსახურებაში არ უნდა აღემატებოდეს არაუმეტეს 3 სამუშაო დღეს. ამასთან, მომსახურებასთან დაკავშირებული სამონტაჟო, გაყვანილობის და დაერთების სამუშაოებს უზრუნველყოფს მიმწოდებელი საკუთარი თანხებით, შემსყიდველის მხრიდან ყოველგვარი დამატებითი ხარჯების გარეშე.

მიმწოდებელი ვალდებულია განახორციელოს სსიპ გორის სახელმწიფო სასწავლო უნივერსიტეტის კავშირგაბმულობის მომსახურება N2 დანართში მოცემული პარამეტრების მიხედვით.

1.2. ანგარიშსწორების პირობები:

მიმწოდებელთან ანგარიშსწორება განხორციელდება ყოველთვიურად, ყოველი საანგარიშო თვის მომდევნო თვეს, ფაქტიურად ნასაუბრები დროის მიხედვით, რომელიც დაფიქსირდება საანგარიშო პერიოდის ბოლოს (თვე) მიმწოდებლის მიერ გამოგზავნილ ანგარიშ-ფაქტურაში, რომელიც წარმოდგენილი იქნება ყოველი თვის 15 რიცხვამდე.

1.3. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

1.3.1. ა) რეკვიზიტები №1 დანართის მიხედვით

ბ) ფასების ცხრილი №2 დანართის მიხედვით

1.3.2. პრეტენდენტს არა აქვს უფლება წარმოადგინოს ალტერნატიული წინადადება.

- შემოთავაზებული ფასები უნდა მოიცავდეს მომსახურების სრულყოფილად გაწევასთან დაკავშირებულ ყველა ხარჯს (მათ შორის, მომსახურებასთან დაკავშირებულ სამონტაჟო, გაყვანილობის და დაერთების სამუშაოების ღირებულებას (პროვაიდერის შეცვლის შემთხვევაში) და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

- გამარჯვებულმა კომპანიამ შემსყიდველის მოთხოვნის შესაბამისად უნდა წარმოადგინოს ახალი ფასების ცხრილი ვაჭრობის დამატებითი რაუნდების შედეგად დაფიქსირებული საბოლოო ფასების ცხრილში, თავდაპირველ ფასების ცხრილში ნებისმიერ პოზიციაზე დაფიქსირებული ერთეულის ფასის ცვლა ზრდის მიმართულებით დაუშვებელია.

1.4. საქონლის მიწოდების ადგილი:

1.4.1. სატელეკომუნიკაციო მომსახურების მიწოდება განხორციელდება ქ. გორში ჭავჭავაძის ქ. №53-ში.

შენიშვნა:

- დანართი N2-ში წარმოდგენილი რაოდენობები (წუთები) სავარაუდოა. შესაბამისად, მათი რაოდენობა შეიძლება შეიცვალოს. რაოდენობის ცვლის შემთხვევაში ანგარიშსწორება განხორციელდება ამ ზონაზე შემოთავაზებული ერთეულის ფასის შესაბამისად.

2. სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ერთი მხრივ, სსიპ - გორის სახელმწიფო სასწავლო უნივერსიტეტი (შემდგომში შემსყიდველი) წარმოდგენილი მისი ადმინისტრაციის ხელმძღვანელის გიორგი ხორბალაძის სახით და მეორე მხრივ „-----“ (შემდგომში მიმწოდებელი) წარმოდგენილი ----- სახით სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით, გამარტივებული ელექტრონული ტენდერის (სატენდერო განცხადების ნომერი SPA-----) საშუალებით, ვდებთ სახელმწიფო შესყიდვის შესახებ წინამდებარე ხელშეკრულებას.

1. ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „შემსყიდველი“ - ორგანიზაცია, რომელიც ახორციელებს შესყიდვას;
- 1.4 „მიმწოდებელი“ - პირი, რომელიც ახორციელებს შესყიდვის საგნის მიწოდებას მოცემული ხელშეკრულების ფარგლებში.
- 1.5 „დღე, კვირა, თვე“ - კალენდარული დღე, კვირა, თვე.
- 1.6 „ფორს - მაჟორი“ - მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ მიწისძვრა, წყალდიდობა, ხანძარი, ომი, რევოლუცია, აჯანყება, იმპროტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.
- 1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ხელშეკრულების საგანია: სატელეკომუნიკაციო მომსახურებების (CPV: 64200000) შესყიდვა ამ ხელშეკრულებით გათვალისწინებული ანაზღაურების სანაცვლოდ.
- 2.2 ხელშეკრულებით გათვალისწინებული მომსახურების ტექნიკური პარამეტრები და ფასების ცხრილი მოცემულია დანართ N1-ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების საგნის საერთო ღირებულება შეადგენს ----- (-----) ლარს.
- 3.2 ხელშეკრულების საგნის საერთო ღირებულება მოიცავს მიმწოდებლის მიერ მომსახურების გაწევასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

4. მიღება - ჩაბარება და ანგარიშსწორება

- 4.1 მიმწოდებელთან ანგარიშსწორება მოხდება ეტაპობრივად, ყოველი სანგარიშო თვის მომდევნო თვის 25 რიცხვამდე, მიმწოდებლის მიერ წარმოდგენილი ანგარიშ-ფაქტურის და მიღება-ჩაბარების აქტის საფუძველზე, ფაქტიურად გაწეული მომსახურების ღირებულების შესაბამისად. ანგარიშ-ფაქტურა წარმოდგენილი იქნება ყოველი თვის 15 რიცხვამდე.
- 4.2 ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

5. შესყიდვის ობიექტის მიწოდების ადგილი და ვადა

5.1 მიმწოდებელი შესყიდვის ობიექტის მიწოდებას უზრუნველყოფს -----

შემსყიდველის მისამართზე (გორი, ჭავჭავაძის ქ. N53)

5.2 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

6. მხარეთა უფლება-მოვალეობანი

6.1 შემსყიდველი უფლებამოსილია:

6.1.1 საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში.

6.1.2 აწარმოოს გაწეული მომსახურების ხარისხის ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

6.2 შემსყიდველი ვალდებულია:

6.2.1 მოახდინოს ანგარიშწორება მიმწოდებელთან წინამდებარე ხელშეკრულების მე-4 მუხლით გათვალისწინებული პირობებით;

6.3 მიმწოდებელი უფლებამოსილია:

6.3.1 მიიღოს გაწეული მომსახურებისათვის ხელშეკრულებით გათვალისწინებული ანაზღაურება;

6.4 მიმწოდებელი ვალდებულია:

6.4.1 მიაწოდოს შემსყიდველს ხარისხიანი მომსახურება.

6.4.2 საკუთარი რესურსებით უზრუნველყოს შემსყიდველი ინსპექტირების ჩატარებისთვის აუცილებელი პერსონალით, ტექნიკური საშუალებით და სხვა სამუშაო პირობებით.

7. ხელშეკრულების ინსპექტირების პირობები

7.1 ხელშეკრულებით გათვალისწინებული ვალდებულებების შესრულების ინსპექტირებას განახორციელებს ხელშეკრულების გაფორმების მომენტისათვის შემსყიდველის მიერ განსაზღვრული პირი.

7.2 ინსპექტირება გულისხმობს მიმწოდებლის მიერ მისაწოდებელი ან/და მიწოდებული შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენას.

7.3 მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. შემსყიდველის ინიციატივით, ინსპექტირების მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4 ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. გარანტია

8.1. მიმწოდებელი იძლევა გარანტიას, რომ გაწეული მომსახურების ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს ყველა ნაკლის გამოსწორება.

9. ფორს - მაჟორი

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორს - მაჟორით.

9.2 თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. პირგასამტეხლო

10.1 ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 10%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე, ხელშეკრულების საერთო ღირებულების 0,5%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ოდენობა გადააჭარბებს ხელშეკრულების საერთო ღირებულების 10 (ათი) პროცენტს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულებაში ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4 ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყება გაკოტრების საქმის წარმოება;
- დ) საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების პირობების გადასინჯვის შესაძლებლობა

12.1. წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.2. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაწყვეტა

13.1 ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეების უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

14. შეტყობინება

14.1 ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით ორიგინალის შემდგომში წარმოდგენით.

14.2 შეტყობინება ძალაში შედის ადრესატის მიერ მისი მიღების შემდეგ.

15. გადასახადები და დაბეგვრა

15.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლებისა და სხვა გადასახადების გადახდაზე.

16. ხელშეკრულების მოქმედების ვადა

16.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს -----.

17. სხვა პირობები

17.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.4. ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შესყიდველს.

17.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

18. მხარეთა რეკვიზიტები

შემსყიდველი:

მიმწოდებელი:

3. დამატებითი ინფორმაცია

3.1 სატენდერო დოკუმენტებთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. გორი ჭავჭავაძის №53, მე-2 სართული, ოთახი №207 ტელ: 0370229490; - ბიუჯეტირებისა და შესყიდვების სამსახურის მთავარი სპეციალისტი ლიანა აბისონაშვილი 577 151224

რეკვიზიტები:

პრეტენდენტის იურიდიული ფირმა და დასახელება:

ხელმძღვანელის გვარი, სახელი:

პრეტენდენტის მისამართი:

საიდენტიფიკაციო კოდი:

პრეტენდენტის საკომუნიკაციო საშუალებები: ტელეფონი. ფაქსი, მობილური:

ბანკის კოდი:

ანგარიშსწორების ანგარიში:

ანგარიშის ნომერი:

უფლებამოსილი პირი (თანამდებობა / სახელი, გვარი) -----

ხელმოწერა / ბეჭედი

სატელეკომუნიკაციო მომსახურების ტექნიკური პარამეტრები და ფასების ცხრილი

№	მომსახურების აღწერა	მომსახურების ვადები	სავარაუდო რაოდენობა	სააბონენტო გადასახადი თვეში 1 ნომერზე	სააბონენტო გადასახადი
1	ყოველთვიური სააბონენტო გადასახადი ფიქსირებულ ტელეფონებზე	თვე	23		
2	ყოველთვიური სააბონენტო გადასახადი უკაბელო ტელეფონებზე	თვე	4		
№			სავარაუდო რაოდენობა ხელშეკრულები ს გაფორმებიდან 2015 წლის ჩათვლით		მომსახურების მთლიანი ღირებულება
1	ადგილობრივი სატელეფონო საუბარი (როგორც ფიქსირებულ ისე უკაბელო ტელ. ნომრებიდან) ქსელის შიდა ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	ულიმიტო	0	
2	ადგილობრივი სატელეფონო საუბარი (როგორც ფიქსირებულ ისე უკაბელო ტელ. ნომრებიდან) სხვა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	22500		
3	საქალაქთაშორისო სატელეფონო საუბარი (როგორც ფიქსირებულ ისე უკაბელო ქსელის შიდა ნომრებზე ტელ. ნომრებიდან) შიდა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	ულიმიტო	0	
4	საქალაქთაშორისო სატელეფონო საუბარი (როგორც ფიქსირებულ ისე უკაბელო ტელ. ნომრებიდან) სხვა ქსელის ნომრებზე, მათ შორის ფიქსირებულ და უკაბელო ტელეფონების აბონენტებთან	წთ.	8750		
5	სატელეფონო საუბარი (როგორც ფიქსირებულ ისე უკაბელო ტელ. ნომრებიდან) მობილურ ოპერატორებთან.	წთ.	40000		

უფლებამოსილი პირი (თანამდებობა / სახელი, გვარი) -----

ხელმოწერა / ბეჭედი

აფიდავიტი სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

*მატერიალური გამორჩენის ან უპირატესობის მიღების მიზნით პრეტენდენტსადა კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადებების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისათვის თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობა ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრედენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.
თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმომწერი, პრედენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.